

# Karmelo'ko Ama Birjiñea'ren Oñetan



Amabost iroiren (miñutu)

\_\_\_\_\_ eta \_\_\_\_\_

# Karmelo'ko Ama Birjiña Deun-deunari

:: IKUSTALDIJA ::



Eleixa ta Lagundija'ren bayetzaz

1918

NGOIKO-ZALE'REN IRARKOLEAN

Zornotza. — (Bizkaya)

ATV

1.955



# Karmelo'ko Ama Birjiñea'ren Oñetan



Amabost iroiren (miñutu)

==== eta ====

# Karmelo'ko Ama Birjiña Deun-deunari

:: IKUSTALDIJA ::

BIJOTZ - DEUNETAKO

LUDOBIKO, Karmeldar - Oñutzeko Abak

ERDERAZ EGIÑA




ELEIXA TA LAGUNDIJA'REN BAYETZAZ

Saspigarren Agerraldija. — (Gero Euzkeratuba)

1918

JAUNGOIKO-ZALE'REN IRARKOLEAN  
Zofnotza. — (Bizkaya)





## Karmelo'ko Ama Birjiñea'ren ospagarri

---

*Jaungoikua' gandik yatorkez sarri azi ta landara txikarrai, pistijen edo aixiaren ega-lak edo txoritxu baten pikua, eruan dagijezan urriñetara ta erne daitezana puskaturiko gaz-telubetan edo birrinduriko orma bitartietan; eta jezta egongo, Ama neuria, bijotz elixale bat, Karmelo'ko asi txatxar au eskuz-esku eruango dabena, arimetan erne ta loratu daitan?*

*Ziñestuten dot, neure Jaun eta Jaungoi-kua'k zuzenduko daula egite ori; bada, uda-goyenian zugatzetatik jausten diran orbela-k be aztuten eztauzan lez, uste ixango dau, Andra neuria, zeuri onerazpen gogotsubaz begiratzen deutzuben arimak, egingo dabela alegiña idazti (liburu) onen orrialdiak zabal-dubak ixan daitezana alde gustijetan; bada, idatzi dira, gixadi gustijak maitetu zaizan;*

*mundu gustijak bedeinkatuba ixan zaitēzan:  
begi gustijak begiratu dagixuben eta bijotz  
gustijak samurtu daitezan zeugatik, Birjiña  
maitia ta Karmelo'ko Ama neuria.*

*Auxe da zeure Semia'ren gurari bakarra,  
ta itzaltsu, apaltasun bete-betiaz, muñ egi-  
ten deutzu zeure oñetan.*

**Egilliak.**





## Amabost iroiren (miñutu)

### Karmelo'ko Ama Birjiñea'ren Oñetan

---

AMA BIRJIÑEA. Etorri gustijok nigana, ta eruango zaitubet neure Karmelo'ko mendi Deunera ta alaitasunez beteko dodaz zeuben bijotzak. Etorri seme neuriak; bada, ni naz Ama errukitsuba, bildur Deunaren eta itxaropen gozuaren maitetasun ederra. Ni'gan dagoz onbidia ta ondo bixi ixatia. Nik, zugatzak lez, luzatuten dodaz adarrak eta seme - alaba gustijak artzen dodaz neure kerizpian.

ARIMEA. Neure Birjiña maiña, Karmeloko' edertasuna, bijotza darijodala nator zeure oñetara. ¡Ze ederto egoten-da emen, Ama neuria! Neketuta dagon bideztiya zugatzaren kerizpian egoten dan lez; egarri dana iturri-onduan egoten dan lez; ume txua amaren bularran lez, ta bijotz atse-

gingarrijaren onduan egoten dan lez... ¡ze ederto egoten-da emen! bixi ixate ta atsegiñaren oñetan. Zeugana nator Birjiña Karmel'darra; begiratu dazu zeure begi errukitsubokaz. Negarrezko zelai onetan mingarrijak dagoz; arerijuak beti zirikatzen gaitube, aragija beti asarre; mundua, gogapen deungien sutan erretan; beti eztabadaka guzurrakaz ta berekortasunaz, andinayagaz ta atsegintsuba ixateko egarrijaz... ¿nok aldenduko nau ainbeste arerijoen artetik Ama neuria?.. ¿Nok?

AMA BIRJIÑEA. Ene alabea, munduko zarata deungietatik aldenduta zatoz nigana, Ama'ren bijotzaren billa, gaizkatu zagidazan zeure arerijo, mundua, diabrua ta aragijagandik. ¡Ondo egiña arima neuria! Atsedendu zaite neure bijotzaren ganian... ez bildurtu; nire bijotzaren onduan eztira eratuten ekaitzak (tenpestadiak); ezin dau ezer egin diabruaren gorrotuak; baketuten dira gogo gaitzgarriak eta ezta entzuten munduko durundi ta zaratea. Atsedendu zaitez neugan; zure Ama, ta ganera, zeru ta munduko Erregiñea naz. Zeruko Erre-



giña ta bertako grazija ta benedeziñua emoten dodazana; lurreko Erregiña ta bijotzak gordeten dodazana; munduko Erregiña ta indar gustijak menperatzen dodazana. Neure oñetan lotuta daukadaz diabrua ta bere lagunak... ez bildurtu. ¿Ikusten dozu eskubetan darabildan kutuna edo eskapularijoa? ¿Ikusten dozuz bere lokarri bijak? Bada, gokaizto edo diabrua lotuteko dira, nai dauna egin eztaiyen. Ta oyal zati bijak dira nire seme-alabaen bijotzak estaltzeko, arerijuak euretan sartu eztaitezan eta zirikatziak aldendu eztaidazan neugandik.

ARIMEA. ¡O ze ona zara neure Erregiña! Orain ulertzen dot, zeure Karmelo'ko ixenak daukan indarra, zelai negartsu onetan dagozan arimak zeuganatzeko, bixi - ixate aldakorretarako ta gogapen galgarrijak zuzentzeko. ¡Zeure kutun Deuna! Bera-da zar ta gaztien eta irabazbide gustietarikuen bijotzak zeure oñetara dakazana; gustijak datoz zeugana, Andra ta Ama neuria, ezjakiñak eta damudunak... gustijak bedeinkatzen zaitube, gustijak abesauten(kantaten) deutzube itxaropena,

bixi-ixatia ta bake-gozua zareala. ¡Zure kutun Santubak! ¡Zeinbat negar ta mingarri ibitu dauz, ta zeinbat bijotz samin gozatu dauz! ¡Naibage egunetan, zeinbat gogo txar ibitu dauz!.. ¡Zeinbat arima gaizkatu dauz! Karmelo'ko Ama, mun egiten deusat zeure kutunari, neure bijotzaren ganian estuturik, ziñeskintza ta maifetasunez beterik, eta neure bijotz ta arimeagaz diñotzut: ¡eskerrak Ama neuria! ¡eskerrak kutunagaiñik! ¡eskerrik asko!

AMA BIRJIÑEA. Erregiña ta Ama nazalako emon neutsan kutuna neure otsein Stock'tar Simon'i, gomutaratu ta artu nagijen, neure seme ta lagunkidien artian, Erregiñatzat eta Amatzat. Kutuna da nire anditasunaren ezaugarrija; maifetasunaren argitasuna; erakusten dau nire Erregiñatasunaren anditasuna ta Amatasunaren samurtasuna. ¿Ete dakixu zer dan zinta bijoen ezakurea? Gogoratu Ama batek zer egiten daun bere semiaz; ekarten dau beragana; estututen dau mosuka besartian; emoten deutso bularra elikatu ta aspertu daiñian, eta gero loaldi gozo-gozuaz euki-

ten dau bere altzuan. Zinta bijak dira neure beso bijak; gozo-gozo besartetzen dabena; indartsu neuganutzen dabena; seme ta lagunkidiak samurtasunez besartetzen dabena; nire maitetasun eta anditasunen egapian lo dagozan gustijak zaintzen dabena; orrek dira nire besuak. Orban-bagiak dira nik neure kutunaz ixendatzen dodazan bijotzak. Alaba neuria, *pone me ut signaculum*, ipiñi nagixu zeure bijotzaren ganian, zeure Ama ta Erregiñaren ikur (sello) bat lez... bada, nik eskiñi dot... NIRE KUTUNA ALDIAN DABELA ILTEN DANA, EZTALA NEKETUKO INPERNUKO SUTAN. (1).

ARIMEA. ¡Ze gozua da niretzat zure berbea, Ama neuria! NIRE KUTUNA ALDIAN DABELA ILTEN DANA, EZTA NEKETUKO INPERNUKO SUTAN! Zure berbeak eztau uts emongo; zeruko Erregiñea'k eskiñi dau; Jaungoikua'ren Ama'k eta gixonak egindako ziña (juramentuba) da; Elixea'k ezaututen dabena eskintzea-da; ta ganera, mundu gus-

---

(1) Ama Birjiñeak esan eutsan Stock'tar Simon Deunari.

tiko semiak ziñesten dabena. Berba ori, zeruko osagarrija, zeruko argija, zeruko berua, gozua ta deuna da bijotzentzat... ¡Aintza (glorija) zeuri Karmelo'ko Birjiñea.

AMA BIRJIÑEA. Baiña eskiñi dot Garbitokiñik (purgatorijotik) ataratia (1) ilda urrengo larunbatean, neure lagunkide kuttundunak, *Oficio Parvo* (2) otoya egunero egiten dabena; eta irakurten jakin ezik, egubazten eta larunbatetan baru egiten dabena, edo autorliak esaten deusana egiten dabena, barau ezin egin danian. Baña gogoratu alaba neuria, nire kutuna eztala errukitsuba, bere egapian dagozala edo aldian darabillela bururatubaz, *pekatubak* pekatuben ganera egiten dabenezat, neure ontasuneri lur - jo erazota. Nik eztot gaizkatzen indarrez, nai-ta-nai-ezean. Nire Kutuna darabillenak, irabazi biarko dauz, neure maitasuna ta egapia.

---

(1) Birjiñea'ren berbak Aita Santu XXII'garren Juan'eri.

(2) Irakurten jakiñarren, *Oficio Parvo* otoya ezin egin danian, autorliak ixentaten dabena egingo da.

ARIMEA Ama gustijen ganetiko Ama zara; bijotz utza; maitetasun utza; gustiz errukitsuba, ta ganera, Zeuk, Ama neuria, emon deuskuzu kutuna errukitsuba zarea ala jakin dagigun. ¡O Ama'ren maitetasun *erijotzia baño senduagua*, mundu onetan ez illobijan (sepulturan) amaitzen eztana! ¡O maitetasun indartsuba! Zuk urratuten dozuz erijotzako lokarriak; idigiten dozuz garbitokiko (purgatorijoko) atiak, jatziten zara an neketzen dagozan arimakana; billatzen dozuz kutuna erabilli ebenak eta zeruratzen dozuz... ¿Ete dago arimarik bedeinkatzen etzaituzanik? ¿Maitetuten etzaituzan bijotzik? ¿Zeu gomutaratubaz arnasa atsegintsuba iruzten eztabenik, Karmeloko Ama Birjiña Deun-deuna?

AMA BIRJIÑEA. Ondo diñozu Ama gustijen ganetiko Ama nazala; gustijen ganetik nago samurtasunian eta eskabidiak egiteko neure seme ta lagunkidientzat; egapetuten dodaz bixi-ixatian; lagunduten deutset erijotzaurrian eta azkatzen dodaz Garbitokijan. Kutunaz zaintzen dodaz gorputzak; aldeztuten dodaz arimak; la-

guntzen deutset galbidietan eta arimearen estutasunetan. ¿Nor-da nigana etorri ezkerro atsegindu ta poztu eztana? ¿Zein-da deiñu deustana, ta kutunduna ixanezkero erantzun eztautsadana? Ama batek beti erantzuten badeutso semiaren eskabidiai, Ni, Ama gustijen ganetiko Ama ixanezkero, ¿enaz juango neure semien eta lagunkide (koprade) bijotzékuen eskabidiak entzutera? Noizbait esango zenduban, zure otoyai etxakela jaramon; ¿baña, otoi orrek egin ete ziran ziñeskintza ta apaltasun betiakaz? Alaba neuria, lurreko otoyak eztira eltzen zerura mañetasun barik egiñak ixanezkero; biar dan lez egiñak ixanezkero, Semia'k eta nik ezin geinke aitzu ez atzeratu eskiñi genduban berbea. Eskatzen dabenagan dago utsegitia edo paltia, ez nigan; Ni, eskarrak (grazijak) emoten dauzan eskubideduna naz.

ARIMEA. Autortzen dot Ama mañia, ta neure mañetasunaren Erregiñea, Zeu ixan zareala nire egijazko Ama, ta etxatzula ezer gelditzen egiteko. Ta jau naibagia! ni enaz ixan zure egijazko alabea: enaz

bixi-ixan biar dan lez; nire eskarijak tartegarri ixan dira; nire biguntasuna utsa, ta erlejiñotasuna oso erakutsija. Baña etzaitut nai minberatu geyago, Karmelo'ko Ama neuria; aurrerantzian egingo dodaz alegiñak zeure alaba ona ixateko; zeure kutunak estalduko dau nire bijotz apal, elixale, orbanbageko baketsuba. itxaroten dot, ez neugan, aldakorra ta txarrerako gertuba nazalako ta makala arerijuai arpegi emoteko. Itxaroten dot zeugan Ama Birjiña Karmeldarra...; ia bada, neure aldeztallia (depentzoria), begiratu zeuria dan arima oni; begiratu dazu ama maiñia; zure begiratzia da nire begijen argija; arimearen bakia; bijotzaren alaitasuna (alegrentzija) ta goguaren indarra... begiratu ta onetsi edo bedeinkatu nagixu, Ama.

AMA BIRJIÑEA. Ni beti nago neure seme ta lagunkide gustijai begira... eztodaz iñoz aztuten. ¿Zelan aztuko dodaz munduaren erdijan burruka ta naibageturik dagozanak? ¿Begiratzen deutset eta onesten (bedeinkatzen) dodaz. ¡Alaba maiñia,

naibagietan negarrez zagozarian, Amak begiratzen deutzu ta onesten zaitu! Ta ez bildurtu. Nire kutunaren zintak bijotzetatik-bijotzetara berbaldi gozuak daruezanak dira; semiak niri euren naibagiak diraustez, ta nik atsegiñak biraltzen deutsedaz; atsegin orrek, semien bijotzetatik nirera dakaz maitetasun garbijak, eta nire bijotzetik eurenera daruez, argija, berua, indarra, errukija ta oneraspena (deboziñua). ¡O alaba maitia, ez inoz egon maitetasuna ta indarra daukazan kutun ori soñian eztozula!

ARIMEA. Ama Birjiña garbi - garbija, itxasoko ixarra ta neure Erregiñea; nire bijotza eskarrez ta maitetasunez beteta egon ezkeru... ¿Zer nai dozu Ama neuria? ¿Zer egingo dot erakusteko neure oneraspena ta eskarrak? Zeuria-da nire bijotza; zeuria nire gogo edo arimea; zeuria nire bixi-ixatia; zeuriak nire bijotzaren bultzadak, gogapenak (pentzamentuak), berbak, lanak eta gurarijak; zeuria da nire ixate gustija ta gustiz pozez nago betiko zeuria nazalako. Kutun (eskapularijo) au



ixango-da beti gomutara ekarriko deustana, nekezalia ixanarren, zeuria nazala, ta Zeu Andra ta Bakalduna (Erregiña) zareala; neure Bakalduna, neure Ama, neure gustija...

AMA BIRJIÑEA. Atsegintsubak dira agertu deustazuzan maitetasunak, eta eskatu nai deutzut zerbait maitekorra ta erreza ixango dana. Asko zor deustazu; baña; ezteutzut larregi eskatuko. Alaba neuria, arima neuria, bijotz neuria, ¿zegaitik eztaukazu niretzat ordu-lauren aste bako txian? ¿Zeinbat aldi galtzen dozuz apainketa iraunkorretan, sarri zeure arimearen kaltez? ¿Etxatzuz gelditzen niretzat uskerijan eta alperkerijan igazten yatzuzan amabost iroiren (miñutu) batzuk?.. iroiren (miñutu) batzuk, nire elixan ezpada, zeure etxian, beste edozein elixatan, neure irudi baten oñetan jarrita; amabost iroiren neugaz berbetan, alkarri maitetasunak agertzen. ¿Eztaukazu ezer Amari agertzeko?

ARIMEA. Egija Ama maitia; iroiren edo miñutu bat ezeze, ordubak eta egunak-be galdu dodaz. ¡Ze ona zara neure gogo-

ko (arimako) Andrea! Ain gauza gitxi eskatubaz lausotuten dozu nire adimena... ¡Iroiren (miñutu) batzuk! ¡Uskerijetan igazi yatan aldija! ¡ezetarako biar ixan ezto-dan aldija!.. Auxe eskatzen deustazu neure bixi-ixatiaren jaubia ixanarren! Bai Ama neuria, pozez egingo dot zeugaz berbal-ditxu bat; iroiren (miñutu) batzubetako berbaldija ¡O, nor bixi-ixan leitekian mundutik eta munduko gauza askotatik alden-duta, zeure oñetan beti egoteko! Ta au ezin dalako, artuko dodaz amabost iroiren (miñutu) zeugaz egoteko, zeure elixan, neure etxian edo aldodan lekuban.

AMA BIRJIÑEA. Eskatu nai deutzut lora-txu bat geyago, eskargarri; nai dot arima laztana ixan zaitezaneure kutunaren eta Karmel'darren Belduba (Apostoluba); egixuz alegiñak, gustijak ezautu nagijen; gustijak erabilli dagijen, batez-bere umiak, kutun gaizkatzalle edo salbagille ori. ¡O umiak! ¡errukituten nayake! ¡Ze min-beratuba daukat bijotza eurak buruban dodazala. Betoze umiak neugana; umiak nai dodaz; euren bijotzak eta gogoak edo

arimak gorde nai dodaz; egixu alegiña, ama gustijak ipiñi dayuben nire kutuna seme-alaba gustijei gorde dagijen gatzik-eza (iñozentzija). Pekatarijak, arima onak, galbidian dagozan bijotzak eta gexuak, erabilli biar dabe nire kutuna. Zuk egin biar dozu alegiña. Osategijetan eta kati-gutegijetan dagozan gaixo gustijak jantzi dagijela nire kutun deuna. ¿Egingo dozu alegiña arima laztana? Zeure aldetik al do-zuna egiña bakarrik eskatzen deutzut, zeure ondasunak eta bixi ixatiak lagun-duten deutzuben eran.

ARIMEA. Ona da eskatzen deustasuna. Mundu gustijak maitatu dayala Karmelo'ko Ama Neskutsa (Birjiñea); mundu gustijak erabilli dayala bere kutun deuna, ta kutun ori munduan zabaltzia ixango-da gaurtik nire alegiña, nire gurarija; artuko dot egipide edo obligaziño ori, Ama neuria, zeugana dodan zorra ba'litz lez.

AMA BIRJIÑEA. Berbatxu bat geyago alaba neuria. Azkenez egiten deutzut eskabidia etzaitezala iñoiz ibilli kutun barik; iñoz-bez alaba maitia; orixe ixango-da

maite nozula igargarrija. ¿Esango ete deustazu gogait eragiten deutzula soñian erabiltiak? ¡O alaba neuria! ¡Zeinbat mingarri jazoten-da munduan! Baña, zerubidian jarteko diran gauzak, ezebezak ixanda-be, gogait erazoten deutse askori. ¿Tazuk ezin dozu nigaitik, Ama ta Erregiña nazan aldetik, kutunaz anditasuna ta bijotza emon deutzudazana ixanezkero, ezin dozu erabilli beti kutun ori zeure bularraren ganian? ¿Ain asko galarazoten ete deutzu neure maiteetasuna ta anditasuna erakusten daben gauza eder orrek? Egija da eskubidia daukazula kutunaren ordezdomiña erabilteko; baña gogoratuzu nire Semia'ren eta nire gurarijak kutuna erabiltia dirala. Baiña zeure eskarren ezaugarri juañ biar zara larunbata (sapatu) gustijetan nire seme Karmeldarrak *Salbia* abestuten edo kantaten dagozan eleixara, edo zeuk egin eskarija gozotsu elixa orretara juañ ezin ba'zara: Egixu alegiña illean bein Jaunartzera ta ibildeunara (prozeziñora) juateko, nire semien eta lagunkidien elixetako ekanduba dalako. Ikusten dozu,

alaba laztana, ezteutzudala eskatzen zalla dan gauzarik, nik kutunaz emoten deutzudazan eskar ta onuren ordeez.

ARIMEA. Zeuria naz Karmelo'ko edertasuna. Zeugana biurtu nazan ezaugarrija ixango-da, kutun au iñoz ez istia. ¡O neure Karmelo'ko kutun deuna! ¡etzaiñut itxiko! ¡bai-zera! zeuk gordeko dozu nire bijotza ta nire bixi-ixatia; zeuk lagunduko deustazu neure naibagietan; zeuk emongo deustazu zirikatziak (tentaziñuak) aldenzeko indarra, arnasea makal-aldijan ta argija neure goguaren illuntasunetan. ¡Karmelo'ko Ama Neskutz (Birjiña) laztana, zeuria-da nire bijotza, zeuria nire bixi-ixatia, ta zeuria nire ixate gustija! Belaunikotuten naz zeure oñetan, zeure ontasun gustijak ezaututa: nik apaltasun (umildade) gustijaz ta bijotzeko maitetasun gustiz zintzuaz, abestuten (kantaten) deutzut: *Salbe Erregiña*, Ama errukitsuba; neure arimaren bixi-ixatia; bijotzaren gozotasuna ta neure itxaropena, negarrezko erbeste onetan. Begiratu dazu errukiz Ama neuria; enagixu itxi... enagixu itxi

gurtuten (adoraten) zaitudan Ama; bada, Zeu barik, ¿zer jazoko - da nigaz? Zeu barik elitzake egongo osagarririk nire deungekerijentzat. Ama zara ta enozu itxiko; kutun onek gomutaratuko deust beti zure maitetasuna, zure begiratze argija ta egaperatzia. Itxaropenez nua; baña, eskatzen deutzut onetsi (bedeinkatu) nagixula, ta zure oneskunak emongo deust ziñeskintza sendua; maitetasun sutsuba ta itxaropen iraunkorra. Agur Ama; zeure oñetan isten dot neure bijotza, gordeixu. Agur, gorengo Bakalduna (Erregiña) ta Karmelo'ko Ama errukitsuba.




**KARMELO'KO AMA BIRJIÑA DEUN - DEUNARI**

**:: :: IKUSTALDIJA :: ::**

**Anaikidiak astian bein egin biar  
dautsena.**







## Zor dogun eskarra

---

*Benetan zor deutsaguz eskarrak Ama Birjiña Deun-deunari kutuna darabilgun gustijok, kutun au dalako altsuba, maitetsuba ta galbidietan beti laguntzen deuskuna; bada Birjiñiak berak, samurtasuna ganezka ebala, ekarri euskun zerutik, geu zaintzeko. Karmeloko kutunak erakusten dau, ama baten bijotzak egin leikiana maitetasunaren indarrez. Gustiz altsuba da maitetasuna... beti ixan oi da garaitsu. Ama geyenak dauke ondasun indartsu ori mirarizko egitiakaz Ta au olan ixanezkero lurreko amakaz zer ixango da zeruko Ama'ren maitetasuna, grazijaz gustija aldabena? Bera ixanik maitetasun eta ondegite edo karidade utsa dan Jaungoikua'ren Ama, gustija egin leike, beti ta garaitsu. Kar-*

*melo'ko kutuna, bere jatorrija, indarra, ixaerea ta ontasuna, bijotzaren berotasunian ikasi biar dira; ama baten bijotzaren onduan; Birjiñea'lako Ama'gaz. Birjiñea'k, bere kutunaz artu dau indarra ta maitetasuna. Esan dau: **Nire kutuna darabilienak eztau ezautuko inpernuko suba.** Diabruak eztau kenduko Birjiñearen eskubetatik. ¿Emon leikian geyago Birjiñeak? ¿Ta zer eskatzen dau kiñugarri? Uskerija, ezebeza..... eskubidia daukan eleisgixon batek ipiñiriko kutuna erabiltia... ezebez geyago.*

*Eskerrezko kiñugarri ori itxaroten eban Birjiñea'k bere seme ta lagunkideakandik. Bijotzak, berez datorrena, berez jayoten dana nai dau kiñugarri. Zor ori ordaintzera edo pagatera dua **Birjiñea'gana Ikustaldi au.***

*Munduan ekandu ona bada ikustaldija egitia, mesedia zor yakonari, ¿zegaitik egin ez astian bein Karmelo'ko Birjiñeari, beragandik kutuna artu dogun seme ta lagunkidiak?*

**Egillia.**



## Damutasuna agertzeko Otoya

---

Neure arimako Jesus, neure Jaungoiko ta Berreroslioi (erredentoria), zeure oñetan belaunikotuta nator, neure obenen (pekatuben) parkamena eskatzera.

Parkatu, Jesus neuria, parkatu, etzaitut geyago irainduko-ta (opendiduko); kurtzian josita ta gorputza puzkatuta zakustazanian, lotsatuten naz, gogoraturik zeure mingarri orrek, nire obenakaitik dirala; ta nire arimeak, nigana dozun maitetasugaitik, ikurtonduta (sakramentauta) ikusten zaituzanian itxaroten, egunetan, illebetietan eta urtietan, ikurtoki (sagrarijo) basterrian nire bijotzari deika, lotsatu ta lausotuten nabe neure deungekerijak. Parkatu dazu, Jesus neuria, zeure erruki bardinbagiak nai daben lez; damu naz Jauna Zeu irainduba (opendiduba), neure Jaungoikua, ontasuna, maitasuna ta bixi-ixatea

zarealako; damu naz Jaungoiko neuria, nire pekatubakaz, bijotza galduko zalako geiztokiko (inpernuko) sugarretan. Zeure odola ta zeure bijotz gozuaeren atsekabiak, Gaizkatzalle (Salbadore) maitia, eztaitezala ixan ezebezak niretzat; gaizkatu nagixula Jesus neuria; lagundu dazu zeure Jaungoikozko grazijaz; ori barik ezin dot ezer egin, enaz ezer; orregaz gustija egingo dot; zeure laguntasunez eskintzen deutzut etzaitudala geyago irainduko Jaungoiko maitia. Ez Jesus neuria, ez; ez geyago obenik (pekaturik); zeuria naz; zeuretzat jayo nintzan. ¿Zer nai dozu Jauna nigandik? ¿nire bijotza? ¿nire bixi-ixatia? ¿nire gogapena? ¿nire gurarijak? Gustija dot zeuretzat Bakaldun edo Errege neuria. Zeure eskubetan jarten naz, ta zeure errukitasunaz baketuta, uste dot ikusiko zaitudazala ta zorijontsuba ixaugo nazala zeugaz zeruban.



## **Karmelo'ko Ama Birjiña Deun-deunari Ikustaldija**

Karmelo'ko neure Ama gozo-gozua: banatortzu zeu ikustera, gomuta ixateko zeure lagunkidiekaz dozuzan biguntasunak. ¡Ai Bakaldun (Erregiña) samur - samurra ta neure arimearen bixi - ixatia! Zeure eskubetan eta neure bular ganian ikusten dodazan kutunak, gomutaratzen deustez zeure maitetasuna ta samurtasuna. Esan zenduban kutuna dala osasunaren ezaugarrija, galbidietan laguntasuna, gauza baketsuba, ta bera soñian dabela ilten danak, eztauzala ezautuko geiztoki edo inpernuko subak (1). Onek berbok, neure arimearen Ama, itxaropen gozuak dira nire bijotzerako. Kutun bedeinkatuba, zeure almenaren (poderearen), eta erruki sutsubaren ezaugarrija da; ¿zeren bildur ixango-da nire arimea puzkatzen eztan oyal onegaz jantzita? Gexoturik indar-

---

(1) Ama Birjiña Deun-deunak, Stock'tar Simon Deunari esan eutsazan berbak.

getu, ta atsekabian aurkitzen banaz, kutunaz daukat osasunaren ezaugarri bat; nire aurrezka badatoz zirikatzen (tentaten) mundua, aragija ta diabrua, kutunean aurkitzen da galbidiak aldentzeko laguntasuna. Marija nire alde ixanezkero, ¿zer egin leike inok nire kaltez?

Ainbeste arerijoen artian, nire bijotza baketsu egongo da kutunak diraustalako neure ama zareala, ta Ama ixanezkero, eztozula inoz laketuko zeure semia galtzia. ¿Ezta egija Ama maitia? ¿Ezta egija neure arimearen Bakalduna, nire bijotza zeurialez gordeko dozula? ¡Ai Ama laztana, ze onazara! ¡ze bijotz samurra daukazu! ¡O Karmelo'ko Bakalduna! ¿Zegatik ezaitut ezautu lenago?

Zure ondotik jua-orduko, nai deutzut eskatu grazija bat, au-da, nik, lagunkide zintzo onek, ikustaldijak egiten deutzudazan lez, Zuk bere, Ama neuria, egin daiztazula, Andra ta Bakalduna lez, erijotzako atietan egongo nazanian. Enaixu itxi atsekabeko ordu atan; gomutaratu zeure semia nazala, il naitian zorijonian zure maitetasunaren laguntasunaz; Ama'ren erruki gozatsubaz.

## **Karmelo'ko Ama Birjiña Deun-deunaren Gomuta garrija**

¡O Karmelo'ko Ama neuria ta Bakaldun maitagarrija! gomutaratzen dodazanian zeure kutunaz egin deustazuzan mesede eskergarriak, lausotuten da nire bijotza, neure arimearen Ama. ¿Zer emongo deutzut mesede eskergarri orren orde? Neure bijotza, Bakaldun neuria; neure bijotza, nekezaliarena ixanarren, nai dot zeuretzat ixan daiñian; zeuretzat beti... enaixu itxi Ama neuria; gomuta ixan, kutunaren bidez nazala zeuria; gomutaratu nire bijotza kutunaz alkartuta dagola; gomutaratu, Ama maitia, zeure lagunkidia nazala; ez aztu neure itxaropena ta arima neketuben egapia zareala; negarrezko erbeste ta mundu zirikari onetan gagozala... ezteyela, Bakaldun (Erregiña) neuria, arerijuak iñoz orbandu nire arimea... eztaidala iñoz galdu zintzotasuna zeugana dodan maitetasunian. Zeure laguntasunaz, Ama, ixango naz garaitsu ziriketa (tentaziño) gustijetan. Begiratuten badeustazu begi erruki-

tsubakaz, bixi-ixate ta itxaropen neuria, arerijuak ezin ixango nau galdu. Lagundu nazu... lagundu nazu Ama neuria; enaixu itxi... begiratu dazu errukitsu... erakutsi Ama neuria zareala, ta nik egingo dodaz alegiñak, zeure seme ta lagunkide zintzua ixateko. Ama zarealako, zeure bijotz errukitsuba atsedengarri (deskantsugarri) dodala, bakez ta alaitasunez (alegrijaz) beterik nua. Agur Karmelo'ko edertasuna. Agur zeruko Bakalduna (Erregiña). Agur Ama maitia. Agur.

## Agur Eskartsubak

1.<sup>a</sup> Karmelo'ko Ama neuria, onetsija (bedeinkatuba) ixan zaitezala eta goratu zaizela Aingeru, Deun ta Jaungoikozko gustijak zeure kutuna emon deustazulako.

*Agur Marija... (1).*

---

(1) Egun bakotxian Karmelo'ko Ama Birjiñeari saspi *Aiña gure* ta *Agur Marija* esateko ekandu onuratsuba daukenak, sartu leyez bitartietan onek «AGUR ESKARTSUBOK» *Aiña gure* bat bakotxian.



2'gn. Karmelo'ko Ama neuria bedekatuba ixan zaitezala ta goratu zagizala Gar-aingeruak, Deunak eta Jaungoikua'ren egapeko gustijak, zeure kutunaz zarealako nire arimearen osasuna.

*Agur Marija...*

3'gn. Karmelo'ko Ama neuria, bedekatuba ixan zaitezala ta ospetu zagixela Bakaulkijak (Tronuak) Deunak eta Jaungoikua'ren egapeko gustijak, zeure kutunaz egaperatuten nozulako galbide (peligr) gustijetan.

*Agur Marija...*

4'gn. Karmelo'ko Ama neuria, bedekatuba ixan zaitezala, bein eta anei (milla) bidar, ta ospetu zagixela buru diranak, eta Deun ta zerubidian dagozan gustijak, zeure kutunaz aldeztuten nozulako arerijuen ziriketa artetik.

*Agur Marija...*

5'gn. Karmelo'ko Ama neuria, ta neure bijotzeko Bakalduna, bedekatuba ixan

zaitezala, ta goratu zagixela kerubiñak, Deunak eta Jaungoikua'ren legepian jarraitzen daben gustijak, zeure kutunaz nire arimearen bakegarri ta alaigarrija zarealako.

*Agur Marija...*

6'gn. Karmelo'ko Ama neuria, bedein-katuba ixan zaitetzala ta ospetu zagixela, Goi-aingeruak, orbanbakiak eta Deunak zeure kutunaz zeure seme berarizkua egin nozulako.

*Agur Marija...*

7'gn. Ama neuria; neure hijotzeko Ama ta Bakaldun maitetuba: nik emoten deutzudaz, arimea, hijotza ta bixixatia, ta nai dot ospetu zagijezen onbidian jarraitzen dabenak eta gixatadi gustijak, zeure kutunaren bidez, zeruban ikusiko zaitudan itxaropena daukadalako; ez nagixu itxi ama maitia.

*Agur Marija...*





